

SCRIPT OF EVENING GOJRI NEWS BULLETIN 19MAR 2026  
1700HRS

اوننگ گوجری نیوز بولٹن 19 مارچ 2026

\*\*\*\*\*

یوہ آکاشوانی جموں بے باغ علی طاہر تے نصرت چوہدری تیں خبر سنو۔

\*\*\*\*\*

HEADLINES

۱. جموں کشمیر یو ٹی مانہ تازہ بارشاں تے برف باری سنگ معمول غا درجہ حرارت مانہ کمی آگئی ہے۔
۲. جموں کشمیر پولیس غی فعال تے جدید حکمت عملی گا فائدا باندے آرہیا ہیں، تے بن جموں ڈویزن غا اچا پہاڑی علاقان مانہ دہشت گردی غا واقعات مانہ کمی آئی ہے۔
۳. چیئر نوراتری غو نو روزہ تہوار اج تیں شروع ہو گئیو ہے اس تہوار غا آغاز سنگ بندواں غا نوا سال غو وی آغاز ہو گئیو ہے۔ اس موقع ور لیفٹیننٹ گورنر منوج سنہا نے ماتا ویشنو دیوی شرائین ور حاضری دتی ہے۔
۴. وزیر دفاع راج ناتھ سنگھ غو کہنو ہے جے، ایم۔ایس۔ایم۔ای ز ملک مانہ دفاعی مصنوعات غا سیکٹر مانہ ایک اہم ستون غا طور ور ابھر غے باندے آرہیو ہے۔

\*\*\*\*\*

J&K WEATHER

جموں کشمیر مانہ بارش تے برف باری غو نوو سلسلو جاری ہو گئیو ہے۔ جس غی وجہ تیں درجہ حرارت مانہ کافی کمی آئی ہے تے معمول غی زندگی متاثر ہوئی ہے۔ میدانی علاقان مانہ مسلسل بارش تے پہاڑی علاقان مانہ درمیانہ درجہ غی برف باری غی وجہ سنگ موسم دوبارہ تیں سرد ہو گئیو ہے۔ جموں صوبہ غا میدانی علاقان مانہ ہلکی توں درمیانہ درجہ غی بارش ہوئی ہے تے اچا علاقان مانہ برف باری غو سلسلو جاری ہے۔ رام بن ضلع غا ماہو علاقہ مانہ کئی انچ توڑی برف باری ہوئی ہے۔ کشتواڑ غا اچا علاقہ جسراں کہ سنتھن ٹاپ، مڑواہ تے واڑون مانہ وی برف باری ہوئی ہے، جس غی وجہ تیں حکام نے احتیاط غا طور ور گڈیاں غی آمد رفت محدود کردتی ہے۔ جموں، سامبہ، کٹھوعہ تے ریاسی غا کجھ علاقان مانہ بارش مسلسل جاری ہے۔ وادی کشمیر غا اچا علاقہ، پیر غی گلی، سونا مرگ تے گلمرگ جیسا علاقان مانہ تازہ برف باری ہو رئی ہے۔ جد کہ سرینگر سمیت میدانی علاقان مانہ بارش جاری ہے۔ محکمہ موسمیات نے ہماچل پردیش، جموں کشمیر تے لداخ واسطے شدید بارش غے پیش نظر اورینج الرٹ جاری کیو ہے۔

\*\*\*\*\*

RESCUE MUGHAL ROAD

تاریخی مغل روڈ ور برف باری غی زد مانہ آغے اک گڈی پھس گئی تھی۔ جس نانہ 79 سڑک تعمیراتی کمپی آر۔سی۔سی تے بی۔آر۔او غی جی۔آر۔ای۔ایف غا اجنراں غی سانجی کوششاں سنگ کامیابی غے ال بچایو گئیو ہے۔ اس یو وی سکارپیو گڈی جس ماہہ مسافر سوار تھا پہاری برف باری غی وجہ نال رستو نئی دیکھ

سکی تے اس راہ جمع ہوئی برف مانہہ ہی رُک گیا اطلاع ملن ور جی۔آر۔ای۔ایف  
 غی ٹیم نے تیزی نال کاروائی کرتا واں موقع ور مشن تے افرادی قوت ناہہ متحرک  
 کیو تے اس راہ اس گڑی ناہہ برف وچوں کامیابی ال گڈھ لیو گیو۔ تمام بازیاب  
 کیا گیا مسافر محفوظ دسیا گیا عہدیداداں نے فر مسافراں ناہہ اس موسم غے دوران  
 غیر ضروری سفر تیں پرہیز کرن غو مشورو دتو ہے۔

\*\*\*\*\*

## JKP INNOVATIONS

جموں گا اچا پہاڑی تے جنگلاتی علاقاں مانہہ جموں کشمیر پولیس غی طرفو دہشت  
 گرداں غے خلاف شروع کی گئی فعال حکمت عملی غا بہتر نتیجا باندهے آریبا  
 ہیں۔ تے ہن ان علاقاں مانہہ دہشت گردانہ کاروائیاں ماہہ کمی آئی ہے ڈی۔جی۔پی لین  
 پرہیات ے اپنا عہدہ غو چارج سمالبہن تیں بعد جغرافیائی للکاراں غی نشاندہی کی  
 تے ایس او جی مانہہ ایک خصوصی طریقہ کار ناہہ متعارف کرایو گیو اس راہ 2  
 اہم گروپ سنو لپیٹ تے مارخور بنایا گیا جن ناہہ اچا پہاڑی علاقاں تے جگلاتی  
 علاقاں مانہہ دہشت گرداں غے خلاف کاروائیاں غو کم سو پیو گیو۔ ان گروپاں غا  
 نوجواناں ناہہ آدھرا پردیش غا گرے ہڈس تے الانیٹس آرمی یونٹاں مانہہ لڑائی  
 غی جدید تربیت دتی گئی اس راہ سال 2025 توڑی دہشت گردانہ کاروائیاں غی  
 پاداش مانہہ خاصی کمی آئی ہے۔

\*\*\*\*\*

## ELECTRICITY FUTURE

بجلی محکمہ غا مرکزی وزیر منوبر لعل نے اج کہیو ہے جے بجلی ناہہ چھڑی  
 توانائی ہے بلکہ یاہ مستقبل غو لایاء عمل وی طے کرے بھارت الیکٹرسٹی سمین  
 سال 2026 غو نویں دلی مانہہ افتتاح کرتا واں اُنہاں نے اس گل غو اظہار کیو  
 جے اُنہاں نے دسیو جے سرکار غو زیر سمندر بجلی غی ترسیل یو اے ای توڑی  
 پُجان غو منصوبو ہے۔ تے یوہ منصوبو اک سورج ایک دنیا اک گریڈ ٹانچہ غی  
 سوچ ور مبنی ہے وزیر اعظم نریندر مودی نے سمین واسطے لکھیا اپنا خط  
 مانہہ کہیو ہے جے غیر فاضل ایندھن غی 50 فی صدی تیں متی صلاحیت غا  
 حصول سنگ بھارت 500 گیگا واٹ سال 2030 توڑی حاصل کرن غا رستہ ور چل  
 رہیو ہے۔

\*\*\*\*\*

## HYDRO PROJECTS

مرکزی کابینہ نے سال 2026-27 تیں 2030-31 توڑی چھوٹا پن بجلی منصوباں  
 واسطے ایک نوی سکیم ناہہ منظوری دے دتی ہے۔ اس سکیم غے تحت  
 تقریباً 1500 میگا واٹ بجلی پیدا کرن آلا منصوبہ لایا جیں گا۔ اس ور تقریباً 2584  
 کروڑ روپیہ تیں زیادہ غو خرچ آئے غو جس تیں تقریباً 15 ہزار کروڑ روپیہ غی  
 سرمایہ کاری وے غی، صاف توانائی ناہہ فروغ لبے غی، دیہی تے دور دراز  
 علاقاں مانہہ ترقی وے غی تے لوکاں ناہہ روزگار غا مواقع لبیں غا۔ نوی دہلی  
 مانہہ ذرائع ابلاغ سنگ گل کرتا واں، زیر اطلاعات و نشریات اشونی ویشنو نے  
 کہیو کہ اس سکیم

غے تحت ریاستاں ناہہ وی حوصلو لبے غو، تے تقریباً 200 منصوباں غی تفصیلی  
 رپوٹ تیار کریں، تانجے مستقبل مانہہ مزید بجلی غا منصوبہ بن سکیں۔ کابینہ

نے بھارت آڈیوگک وکاس یوجا، بھاویہ نانہہ وی منظوری دے دتی ہے جس غے  
تحت 100 صنعتی پارک بنایا جیں گا۔ اس واسطے 33660 کروڑ روپیہ رکھیا گیا ہیں۔

\*\*\*\*\*

## HIMACHAL INDO CHINA

بھارت تے چین بشکار تجارت آئندہ جون مہینہ غی پہلی تاریخ تیں ہماچل پردیش  
غا شپکی لاء غا درہ تیں شروع ہو جائگی تے اس نانہہ کامیاب بنان غی خاطر  
نمایاں تیاری کی جارئی ہے درہ شپکی لاء تیں بھارت، چین تجارت نانہہ زمینی  
سطح ور موثر طریقہ سنگ عملان غی خاطر ضلع کناور غا ڈپٹی کمشنر ڈاکٹر  
امت کمار شرما غی صدارت مانہہ اک میٹنگ منعقد کی گئی۔ اس بارے گل کرتا وان  
ڈپٹی کمشنر نے دسیو ہے جے اس تجارت غی سہولت کاری غی خاطر بیوپاریاں  
واسطے پوپ سب ڈویزن غی نمکیا گرام پنچائیت مانہہ وئرہانس تے دکان تعمیر کی  
جئیں غی۔ اس توں علاقہ بھارتی فوج آئی۔ٹی۔بی۔پی تے کسٹم محکمہ غے بشکار  
بہتر رابطا قائم کیا جنیں غا۔ انہاں نے دسیو جے سرحد پار تجارت غے دوران  
مشکلات پیدہ نہ ہون دین غی خاطر ذمہ داریاں غی متعلقہ محکمان بشکار واضع  
تقسیم نانہہ یقینی بنایو جائیگو۔

\*\*\*\*\*

## CHAITRA NAVRATRI

چنیر نوراتری غو اج تیں آغاز ہو گیو ہے اس تہوار نانہہ 9 دنان غے دوران پورا  
ملک مانہہ لوک بڑا جوش و جذبہ تے مزہبی عقیدت سنگ مناویں مندران مانہہ  
سویر غی آرتی سنگ نوراتری غا پہلا روز غی شروعات وے جموں ڈویزن ماہہ  
وی بڑی تعداد ماہہ عقیدت مف جمع ہو غے اس موقع ور آشیر واد حاصل کریں  
پورا ملک غی طرح جموں مانہہ وی اج چنیر وراتری غا تہوار غو آغاز بڑی  
عقیدت تے مزہبی جوش و جذبہ سنگ ہوو ہے اس موقع ور لیفٹینٹ گورنر  
موج سنہا نے کٹڑھ غی تریکوٹہ پہاڑیاں ور شری ماتا ویشنو دیوی شرائین ور  
حاضری دتی تے لوکان واسطے ام تے خوشحالی غی دعا کی۔ اسے دوران اج  
سویرے تیں ہی جموں غا بکھ بکھ مدران مانہہ لوکان غی پیڑ دیکھی گئی ہے تے  
باوے والی ماتا غا مندر ماہہ وی بڑی تعداد ماہہ عقیدت مند پُج گیا ہیں ۔

\*\*\*\*\*

## DEFENCE RAJNATH

وزیر دفاع راج ناتھ سنگھ نے اج کہیو کہ نکہ چھوٹا تے درمیانہ درجہ غی صنعت  
ملک غا دفاعی پیداوار غا شعبہ مانہہ ایک اہم حصو بنتا جارہیا ہیں۔ نوی دہلی  
مانہہ ایک تقریب سنگ خطاب کرتا وان انہاں نے کہیو کہ مقامی کاروباری افراد،  
اسٹارٹ اپس تے نوی سوچ رکھن آلا لوک بھارت غی ٹیکنالوجی نانہہ مضبوط بنان  
تے معشیت نانہہ بہتر بنان مانہہ اہم کردار ادا کر رہیا ہیں۔ انہاں نے دسیو کہ کئی  
ایم۔ایس۔ایم۔ای ز جدید مصنوعی ذہانت، آٹومیشن تے رپوٹکس ور کم کرنی  
ہیں۔ وزیر دفاع نے کہیو کہ ایم۔ایس۔ایم۔ای ز معیشت غی ریڑھ غی ہڈی ہیں۔ اس  
واسطے چھوٹی صنعتان نانہہ بڑا دفاعی منصوبان غے نال جوڑنو بہت ضروری  
ہے تانجے نوی ایجادات تیزی سنگ ہو سکیں۔

\*\*\*\*\*

## SPS KATHUA

کٹھوعہ غا اسپیشل پولیس ٹریننگ سکول ماتہ دو دنان غو ایک خاص کورس کامیابی غے نال مکمل ہوو، جس غو موضوع تھو ڈیجیٹل ثبوت نانہ سبھالنو۔ یوہ اس سلسلہ گو 8 ووں پروگرام تھو، جہیڑا مختلف موضوعات ور کرایا جارہیا ہیں۔ ادارہ گا پرنسپل ایس۔ایس۔پی منجیت کور نے مہمان خصوصی لیکچرر انٹرا جہا، غو شکریو ادا کیو جنہاں نے معلوماتی لیکچر دتا۔ انہاں ے دسیو کہ ڈیجیٹل ثبوت نانہ کس راہ محفوظ کرنو، سنبھالنو تے عدالت ماتہ پیش کرنو ہے، تانجے سانیبر کرائیم غا معاملہ نانہ بہتر طریقہ سنگ حل کیو جاسکے۔

\*\*\*\*\*

## TEACHER RAMBAN

رامبن ماتہ محکمہ تعلیم نے پی۔ایم شری سکیم شروع کی ہے جہیڑی ایک مرکزی حکومت غی سکیم ہے۔ اس غو مقصد طلبہ نانہ بہتر تعلیم، تے جدید سہولیات جسراں کہ اسمارٹ کلاس روم، لیبارٹریز تے ماحول دوست اقدامات فراہم کرنا ہیں۔ یاہ سکیم خاص طور ور دیہی علاقہ جسراں کہ رام بن غا بچاں نانہ فائدو پُجان واسطے شروع کی گئی ہے تانجے تعلیم غا معیار نانہ بہتر بنايو جاسکے۔ اس غو مقصد سکولان نانہ ماڈل سکول بنانو ہے تے تعلیمی نظام نانہ مضبوط کرنو ہے۔ اس غے ذریعے طلبا نانہ، نہ صرف تعلیم دتی جے۔ بلکہ انہاں نانہ اچھا اخلاق تے عالمی سطح ور مقابلو کرن واسطے تیار کیو جے۔ اس بارے مزید بولتا واں ڈائٹ ٹیچر رام بن تیں شہنواز گئی نے اس طرح کہیو.....

\*\*\*\*\*

## NIELIT JAMMU

برقیات تے اطلاعاتی ٹیکنالوجی بارے قومی ادارہ نائی لٹ جموں غی طرفوں اج کنیال روڑ جموں ماتہ قائم کانفرنس حال ماتہ اک پڑو روز گار میلو منعقد کیو گیو یوہ روز گار میلو برقیات تے اطلاعاتی ٹیکنالوجی غی مرکزی وزارت غی طرفوں امداد یافتہ ہے جس نانہ ڈیجیٹل جے اینڈ کے پروجیکٹ غے تحت منعقد کیو گیو۔ اس روز گار میلہ غے دوران آئی ٹی خدمات الیکٹرا نکس مصنوعات تے ان تیں متعلقہ شعباں ماتہ 20 تیں متی معرفت کمپنیاں غے ذریعے 5 سو تیں متی آسامیں نوجوانان واسطے پیش کی گئیں ان 5 سو آسامیاں ماتہ تکنیکی تے مارکیٹنگ غا کم غی آسامیں شامل ہیں۔ اس موقع ور بولتا واں نائی لٹ جموں گا جانٹ ڈائریکٹر تے افسر انچارج راجنیش رینہ نے اس روزگار میلہ غی اہمیت بارے گل کرتا واں دسیو ہے جے اس مقصد سنگ صنعتی ضرورتاں تے ہنر مند نوجوانان بشکار خلاء نانہ پُر کرنو ہے۔ روز گار میلہ غا کامیاب انعقاد ور انہاں نے تربیت کاراں تے مہمان نوازی تے پروٹو کال محکمہ غی کوششاں غی سراہنا کی۔ میلہ ماتہ یو ٹی تیں بڑی تعداد ماتہ ڈگری تے ڈپلومہ یافتہ تے ہنر مند نوجوانان نے شرکت کی جس نال نائلٹ جموں غی طرفوں ہنر نانہ باہدو دین تے اس نانہ بھارت سرکار غا ڈیجیٹل با اختیاری تے جامع ترقی باہدا غا نظریہ سنگ جوڑن غا نظریہ نانہ تقویت ملی ہے۔

\*\*\*\*\*